



Broj: 02-04-2977/21  
Ilidža, 24.06.2021.god.

Na osnovu člana 66. Zakona o pravima, obavezama i odgovornostima pacijenata ("Službene novine Federacije BiH", broj 40/10), člana 14. Zakona o zdravstvenoj zaštiti ("Službene novine Federacije BiH", broj 46/10 i broj 75/13), člana 35. Statuta Općine Ilidža- prečišćeni tekst ("Službene novine Kantona Sarajevo" broj 33/10,18/16), Općinski načelnik raspisuje

## **JAVNI POZIV** **za izbor i imenovanje članova Zdravstvenog savjeta** **Općine Ilidža**

**Predmet Javnog poziva** je prikupljanje prijava sa ciljem ostvarivanja društvene brige za zdravlje na nivou Općine Ilidža (u daljem tekst: Općina) osnivanjem Zdravstvenog savjeta Općine Ilidža (u daljem tekstu: Zdravstveni savjet).

### **I ZDRAVSTVENI SAVJET**

Zdravstveni savjet broji devet članova koji se imenuju iz reda:

- predstavnika pacijenata,
- predstavnika mladih,
- predstavnika općinskog organa uprave,
- predstavnika komora iz oblasti zdravstva,
- predstavnika sindikata,
- predstavnika zdravstvenih ustanova odnosno privatnih praksi,
- predstavnika crvenog krsta/križa s područja općine,
- predstavnika zdravstvenih radnika iz zdravstvenih ustanova na području općine Ilidža,
- predstavnika penzionera.

Zdravstveni savjet obavlja sljedeće poslove:

- predlaže i evaluira sprovođenje zdravstvene zaštite na području jedinice lokalne samouprave;
- daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području;
- prati primjenu propisa na području jedinice lokalne samouprave koji se odnose na zaštitu prava i interesa pacijenata, uposlenih i zdravstvenih radnika;
- organizuje obrazovne kurseve za građanstvo iz poznavanja materije o pravima pacijenata i postojeće legislative;
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području općine Ilidža;
- predlaže preduzimanje mjera za zaštitu i unapređenje prava pacijenata i zdravstvenih



radnika na području općine Ilidža;

- bez odgađanja obaviještava zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata i zdravstvenih radnika;
- podnosi Općinskom vijeću i Ministarstvu zdravstva Kantona Sarajevo godišnji izvještaj o svom radu; obaviještava javnost o povredama prava pacijenata i zdravstvenih radnika;
- obavlja druge poslove određene zakonom.

Zdravstveni savjet imenuje Općinski načelnik, na osnovu javnog poziva, na period od 4 godine sa mogućnošću reizbora.

### III PRAVO NA DODJELU SREDSTAVA

Pravo na prijavu za izbor u članstvo Zdravstvenog savjeta imaju kandidati iz reda :

- pacijenata,
- mladih,
- općinskog organa uprave,
- komora iz oblasti zdravstva,
- stručnih udruženja,
- udruženja za zaštitu prava pacijenata, sindikata,
- zdravstvenih ustanova odnosno privatnih praksi,
- crvenog krsta/križa s područja općine,
- zdravstvenih radnika iz zdravstvenih ustanova na području Općine Ilidža i penzionera.

Kandidat za člana Zdravstvenog savjeta treba da ispunjava slijedeće uslove:

- da je punoljetni državljanin Bosne i Hercegovine,
- da ima prijavljenu adresu prebivališta-boravišta na području Općine Ilidža,
- da ima minimalno tri godine radnog iskustva u instituciji, ustanovi, udruženju, nevladinoj organizaciji ili zdravstvenom sindikatu,
- da ima evidentne rezultate rada u oblasti u kojoj djeluje.

Obavezna dokumentacija:

1. Biografija kandidata (sa kontakt podacima - adresa i kontakt telefon),
2. uvjerenje o državljanstvu (kopija ovjerena kod nadležne općinske službe),
3. Potvrda o mjestu prebivališta – CIPS (original ili (kopija ovjerena kod nadležne općinske službe),
4. potvrda izdata od strane institucije, ustanove, udruženja, nevladine organizacije ili zdravstvenog sindikata o minimalno 3 godine radnog iskustva (original),
5. potvrda izdata od strane institucije, ustanove, udruženja, nevladine organizacije ili zdravstvenog sindikata da podnosioc prijave ima evidentne rezultate rada u oblasti u kojoj djeluje.

### IV NAČIN PODNOŠENJA PRIJAVA I OCJENA APLIKACIJA

Javni poziv je objavljen na oglasnoj ploči Općine Ilidža i na web stranici Općine Ilidža [www.opcinailidza.ba](http://www.opcinailidza.ba). Javni poziv ostaje otvoren 15 dana od dana objavljivanja.

Prijave sa potrebnom dokumentacijom dostavljaju se u zatvorenoj koverti na protokol Općine Ilidža ili putem preporučene pošte na adresu Butmirska cesta 12, sa obaveznom naznakom :



**“Za Javni poziv za izbor i imenovanje članova Zdravstvenog savjeta Općina Ilidža - Služba za rad, socijalna pitanja, zdravstvo, izbjeglice i raseljena lica - ne otvarati”.** Na poledini koverta obavezno upisati kontakt podatke o podnosiocu prijave.

Općinski načelnik će imenovati Komisiju za izbor i imenovanje članova Zdravstvenog savjeta koja će, na osnovu pristiglih prijava, predložiti Općinskom načelniku listu kandidata za imenovanje u Zdravstveni savjet.

Neblagovremene i nepotpune prijave neće se uzimati u razmatranje.

**SVE INFORMACIJE I OBAVJEŠTENJA U VEZI OVOG JAVNOG POZIVA ĆE BITI OBJAVLJENE NA ZVANIČNOJ WEB STRANICI OPĆINE ILIDŽA TE UČESNICI PO OVOM JAVNOM POZIVU NEĆE BITI POJEDINAČNO OBAVIJEŠTAVANI.**

Sve dodatne informacije mogu se dobiti putem kontakt telefona: 033/775-662.

DOSTAVLJENO:

1 x Naslov  
1 x a/a

**OPĆINSKI NAČELNIK**

**Nermin Muzur, magistar uprave**

